

S 2942
3410

卷十四 兒科腫脹

方脈腫脹附盡

方脈噎膈翻胃闔格

方脈吞酸噯氣

方脈呃逆

方脈痞悶

方脈嘈雜

淋症大小總論

方脈小便不通

方脈小便不禁

兒科遺尿白濁

方脈夢遺精滑白濁

陰竅漏氣

方脈陽痿

疝症大小總論

黃疸大小總論

馮氏錦囊秘錄雜症

申部

共二十卷訂十二本

馮氏錦囊秘錄雜症大小合參卷十四

羅如桂丹臣

張楚瞻甫纂輯 門人孫顯達惟良仝較

男 乾元龍圖

兒科腫脹

百病之始生莫不由六淫七情所致。凡腫脹尤特甚焉。然有脾虛水腫鼓脹脹滿膚脹虛腫在臟腑嬌嫩乳食不節脾一受傷不能制水流溢於外然症有三疳水積水驚水是也疳水者心脾虛損面黃脚也。

積水者五積在腹結化為水也驚水者重疊受驚心火燥
渴過飲停蓄也然水氣而脉浮大滑實者生以甘心表而
未大虛也沉細虛微者死以其在裏而
不能化陰也有脾胃受濕不能運化
四肢頭面皆腫

音此名濕腫有食毒并
留胃腕是以入腹作腫

名毒氣腫也有傷云下之太早是以乘虛入腹而作腫

多寒腫也更有虛腫者凡諸大病之後氣血兩虛

中氣不固皆能外浮而為腫晨起而面浮午後足腫若元氣
未耗宜亟養胃調脾則腫不治而自退其水腫者脾虛受

濕是以榮衛留止脾失健運肺失輸降水氣上侵目窠浮
腫腹大面白足脛皆腫而如冰手按成窟而即起光腫如
危矣更有十種水之分如氣短不得臥者爲心水兩脇緊
痛者爲肝水大便驚滯肝水四肢苦重者爲脾水腰
痛足冷者爲腎水口苦咽乾者爲膽在虛乍實者大腸
水腹急肢瘦者膀胱水小便閉澀者爲胃水心復急滿者
小腸水更有氣聚膀胱而致陰囊亦腫者總而論之腎虛
不能行水脾虛不能制水胃爲水穀之海虛則不能化

馬氏綿囊公案雜症

是以泛濫反得浸漬脾土於是三焦停滯經絡壅塞氣留
於臟而爲脹水溢於皮膚而爲腫宜先益氣補中勿徒
投滲泄鼓脹者心腹脹滿且食不能暮食如鼓脹色蒼
黃腹筋起又名單鼓外雖堅滿中空物脹滿者心腹痞
脹噎氣妨食氣短煩渴以薄而光肢瘦肌慄而咳漉
短便閉此乃脾虛之治宜大補中氣佐以行濕或補中
益氣益氣兼服之膚脹者脾胃卒傷風寒陡感濕
氣洩流周身盡腫按其臑窅而不起倦言懶食吞酸惡心
治宜燥濕和中然氣虛而腫者名曰氣蠱血虛而腫者名

曰血蠱榮衛俱虛者名曰氣血蠱凡腫先起於腹而散於四肢者可治自四肢而歸於腹者難療并蠱脹而腹有青筋脹滿而大便滑瀉面青作喘者單腹脹而面目手足硬者唇黑腫傷肝缺盆平傷心臍突平傷脾足心平傷腎背平傷肺男從足腫而上女從身腫而下或肉硬或手掌平外腎脹極囊莖腫腐臍間青黑喘足煩渴身浮青紫或身似枝色遍膚生斑自利畏食唇縮枯澀小便不禁及起紫黑斑點漸若雲片者並皆不治

大抵因水因濕者下先腫因風因火者上先腫陽水脈沉

數陰水脈沉遲故腰以上腫宜發汗腰以下腫宜利水身
熱者在表宜汗身不熱者在裡宜下此常論也然不可用
大戟甘遂之劑倘木氣乘虛復至更將何以治之卽腫脹
有因積而得者倘去積而腫再作小便不利者若再用利
藥小便愈閉醫多束手蓋此多因中焦氣不升降爲寒所
隔水閉不行惟服沉附湯類小便自通喘滿自退矣
腫脹候若脾虛氣未出腹脹不腫不喘者或以補爲消
或借消爲補務使脾能健運腎能閉藏則祖氣有根而不
拔元氣深藏而有源何有爲脹爲滿之患哉若早不速治

則虛氣已出附肺而行入於四肢面目是以通浮然此譬
如行兵戰寇未出林也攻之必獲既出林矣攻之必失至
此又當以意漸收之蓋標症雖似有餘本症實由不足也

方脉腫脹合參

帝曰脉之應於寸口如何而脈伯曰其脉大堅以瀦者脹
也邪盛則大邪實則堅瀦者氣血虛而不流利也洪大之
脈陰氣必衰堅強之脈胃氣必損故大堅以瀦病當爲
脹是以脾具坤靜之德而有乾健之運故能使心肺之陽
降肝腎之陰升而成天地之泰是爲平人今也七情內傷
六淫外感飲食失節房勞致虛脾土之陰受傷轉運之官

失職胃雖愛穀不能運化是以心肺之陽不能降腎肝之陰不能升而成天地不交之否清濁相混隧道壅塞鬱而爲熱熱留爲濕濕熱相生遂成脹滿本無形之氣爲病難作有形之症調理有謂秋夏冬治之稍易惟春最難者以其木旺而土受尅不能制水也然輕者俱易重者俱難不獨春也名鼓者以其中空外浮取其象而名之也更名蠱者以其侵蝕之害取其義而名之也治者宜補其脾又須養肺金以制木使脾無賊邪之患滋腎陰以制火使肺得清化之令脾肺腎之氣交通則水穀自然尅化却鹹味斷

妄想無有不安。醫者急於取效。病者苦於脹滿。喜行利藥。以求通快。不知寬得一日半日。其脹滿病邪愈甚。而元氣轉傷矣。又有標實而本虛者。瀉之不可補之。無功極爲危險。全在杜微防漸。標本得宜。使脾腎之元陽生發而陰邪之凝滯釋然矣。

水腫鼓脹皆因脾虛所致。然水腫輕而鼓脹重。何也。水腫則飲食如常。鼓脹則飲食不及常也。先頭足腫後腹大者。水也。腫也。先腹大後四肢腫者。氣也。脹也。治水腫則惟補脾導水而已。治鼓脹則補脾導水兼以消穀。庶乎可也。雖

然鼓脹有氣血寒熱四者之殊。多由怒氣傷肝。木邪尅土。所以脾病而不能運化水穀也。又要養肺金以制肝木。使脾無賊邪則運化行而水穀消矣。以此觀之。治鼓脹之法。必以補脾制肝導水消穀爲主。看所挾而兼用藥。挾氣則散氣。挾血則破血。挾寒則溫寒。挾熱則清熱。自無不愈。其有不可治者。此乃脾虛之極。爲真臟病也。真臟病者。由真火不能生土耳。豈止脾臟而已哉。

人有行房用力過度。則汗出於腎經。言汗出於腎。逢於風。內不得入於臟腑。外不得越於皮膚。客於玄府。行於皮膚。

傳於附腫本之於腎名曰風水治宜滋腎散風如四物湯
加荆防羌柴防已之類不可作脾虛濕腫而用參朮及利
水之藥愈使風邪內陷

火性炎上水性潤下消渴證不交而火偏盛也水氣證不
交而水偏盛也治之之法在制其偏而使之相濟故小火
不能化大水必先瀉其水後補其火開鬼門是發汗瀉在
表在上之水也潔淨府謂利小便瀉在裏在下之水也水
勢既減然後用暖藥以補元氣此治實治熱之次第也若
不明虛實寒熱專守下則脹已之一法雖得少寬於一時

真氣愈衰未幾而腫脹再作遂致不救矣故涉虛者溫補脾腎如腎氣丸之類補中微瀉使其漸次康復然王道無近功必以緩取效古今明醫豈不知尅伐之功速而曠日持久亦以中氣旣衰恐蹈虛虛之禍耳中滿者其症悉與鼓脹水腫無異何故屬之氣虛氣虛者腎中之火氣虛也中滿者中空似鼓虛滿而其實滿也經曰諸濕腫滿皆屬於脾又曰其本在腎其末在肺皆聚水也諸經雖皆有腫脹無不由於脾肺腎者蓋脾土主運行肺金主氣化腎水主五液凡五氣所化之液悉屬於腎五液所行之氣悉屬

於肺轉輸二臟以制水生金者悉屬於脾若脾不能散胃
之水精於肺而病於中肺不能逆胃之水道於膀胱而病
於上腎不能司胃之關門時其輪泄而病於下是以胃土
不能制腎水水逆而上行傳入於肺故水雖制於脾而實
主於腎蓋腎本水臟而元陽生氣所由出若腎中陽虛則
命門火衰既不能自制陰寒又不能溫養脾土陰陽不得
其正則化而爲邪也治者惟知泄水而不知益胃或知益
胃而不知溫腎故多下之強令水出不依天度流轉故胃
氣愈虛腎陽愈損則發而不能制也莫若行其所無事則

爲土計何舉手使用內經去菟陳莖開鬼門潔淨府如舟
車丸禹功散之類若真知爲水濕之氣客於中焦侵於皮
膚如水晶之光亮手按之隨起者以前藥一服而退若久
病大病後或傷寒瘧後女人產後小兒痘後與夫元氣
素弱者槩以前法施之脾氣愈泄愈虛不可復救矣故治
腫者先以脾土爲主須補中益氣或六君子湯溫補之再
以金匱腎氣丸補土之母脾脾強土旺則能散精於脈通
調水道下輸膀胱水精四布五經竝行矣或者疑謂喘脹
水滿又加純補之劑恐益脹滿必須補藥中加行氣利水

之。此。論。似。得。病。情。終。非。納。氣。藏。源。至。理。蓋。肺。氣。既。虛。不。可。復。行。其。氣。腎。水。已。衰。不。可。復。利。其。水。純。補。之。劑。初。時。似。覺。不。快。過。時。藥。力。得。行。則。氣。歸。者。自。歸。而。行。者。自。行。如。土。之。在。雨。中。則。爲。泥。得。和。風。暖。日。則。濕。去。而。陽。和。自。得。萬。物。生。長。矣。

東垣曰。中滿治法當開鬼門。潔淨府瀉之於內。謂脾胃有病。令上下分消。其濕下焦如瀆。氣血自然分化。如或大實大滿。大小便不利者。從權以寒熱藥下之。此以論治有餘之症也。至於補腎以治虛。其說難明。蓋禹之治水。行其所

無事也。若一事疏鑿，則失之矣。今人之治水者，牽牛大戟，粗工之小智，正禹之所惡也。間有五苓五皮者，以爲中正，亦轉利轉虛，腎氣愈衰而愈不能推送矣。故須用補腎經。曰：腎開竅於二陰，腎氣化則二陰通，二陰閉則胃填脹。腎者胃之關，關門不利，故水聚而從其類也。經又曰：腎主下焦。三焦者，決瀆之官，水道出焉。膀胱者，州都之官，津液藏焉，必待三焦之火化，始能出也。其三焦之經，在上者布膻中，散落心包，在下者出於委陽，上絡膀胱，上佐天道之施，化下佐地道之發生，與手厥陰爲表裏，以應諸經之使者。